

BEGIKOREN IRAILEKO IRAKURKETA ERRONKA

Irakurri... plazer iturri!

- Ikasturtea hasi baino lehen, liburu labur bat irakurtzea proposatzen dizugu, erraz-erraz eta samur-samur horietakoa. Gai izango zara egun bakarrean horrelako bat irakurtzeko?
- Irailean ospatzen da Hizkuntzen Europako Eguna. Zenbat hizkuntza dakizkizu? Hainbat hizkuntza, hainbat liburu!
- Aukeratu liburu bat (edo hartu esku artean dagoeneko irakurtzen ari zaren hori) eta irakurri begiko duzun pasarte bat senide edo lagun bati: adibidez, aiton-amonei. Ez al da ideia bikaina?
- Hartu eskolako liburutegian, lagun batekin batera, istorio laburren liburu bat. Bakoitzak bat irakur dezala eta gero elkarri kontatu.
- Har ezazu parte zure herriko edo auzoko liburutegiko ekintzaren batean. Ipuin-kontalariak, tailerrak... antolatzen al dituzte zure liburutegian? Hala ez bada, eska iezaiozu zure liburuzainari liburu bat aukera diezazun.
- Komikiak eta nobela grafikoak ere liburuak dira, bai horixe! Zergatik ez duzu bat oherakoan irakurtzen? Umore onez jaikiko zara hurrengo egunean eta errazagoa izango da eskolara joatea.
- Dirurik baldin baduzu edo gurasoak ados badaude, herriko liburu-dendan liburu bat erosi dezakezu: gehien atsegin duzun gaiari buruzkoa. Gai aspergarriei buruzko liburuak aukeratzea debekatuta dago!



- Irailaren 29a Bihotzaren Nazioarteko Eguna da. Bi aukera dituzu: giza gorputzari buruzko liburu bat edo amodiozko istorio bat kontatzen duena irakurtzea.
- Irakurri filma ere badaukan liburu bat. Adibidez, *Matilda*. Zer duzu nahiago? Liburu ala filma?
- Zerrenda bukatutakoan zure esperientzia sare sozialen bidez kontatu dezakezu. Ez ahaztu Begikoren sareak txio edo argitalpen horietan etiketatzea!